



Kommuneplan for Sveio

2011-2023

Strategisk samfunnsdel



Føreord



Ordførar Jorunn Skåden – ved kommunehuset før brannen i 2008

Sveio kommune ligg midt i ein sterk region. Tittelsneshalvøya strekkjer seg frå Trodlavassnipen i nord til Ryvarden og Viksefjorden i sør. Europaveg 39 og Fylkesveg 47 slynger seg langs halvøya og sender stikkvegar til vakre bygdemiljø. Våre vatn, fjordar og fjell innbyr til utfukt og rekreasjon. Me er no 5208 innbyggjarar, og gjennom sommarhalvåret nær doblar innbyggjartalet seg ved at kommunen er vert for mange hyttegjester.

Kommunen er i ei rivande utvikling med god folketalsauke. Dette sett krav til varierte og gode tilbod innan fritidsaktivitetar, kultur, skule og helse. Ryvarden kulturfyr, komponistheimen Fartein Valen i Valevåg og Sveio golfpark i Sveio sentrum er våre "kulturelle fyrtårn" Unge og eldre i Sveio kommune har glede av eit rikt organisasjonsliv, der idrett, kor og korps står sterkt.

Framover ønskjer me fortsatt utvikling. I strategisk samspel mellom offentlege og private initiativ, arbeider me for at Sveio kommune skal vere ein attraktiv og spennande kommune som set trivsel i høgsetet.

Ordførar Jorunn Skåden



Innhald

Føreord	2
Innhald	3
Innleiing	4
Sveio – før, no og framover.....	5
1. Tenester med kvalitet.....	15
2. Offensiv næringsutvikling	18
3. Areal – utvikling, miljø, landbruk og samfunnstryggleik	20
4. Demokrati, deltaking og kultur.....	25



Innleiing

Kommuneplan for Sveio 2011 - 2023 består av strategisk samfunnsdel og arealdel. Arealdelen syner den overordna disponeringa av kommunen sine areal og er juridisk bindande. Strategisk samfunnsdel gjev visjon, satsingsområde og delmål for utviklinga i kommunen dei neste 12 åra.

"Vilje til vekst – ein god stad å bu" er vår jordnære og offensive visjon. Gjennom fire satsingsområde skal me verkeleggjere visjonen:

1. Tenester med kvalitet
2. Offensiv næringsutvikling
3. Areal – utvikling, miljø, landbruk og beredskap
4. Demokrati, deltaking og kultur

Kommuneplanarbeidet er lovpålagt gjennom Plan- og bygningslova §11-1. Kommunane skal utarbeide kommuneplan og vurdere planen samla ein gong i kvar valperiode.

I kommuneplanen vert dei overordna politiske målsettingane samla, og den gjer det lettare for politikarar og administrasjon å vurdere einskilde saker opp mot heilskap og i samanheng med andre einskilde saker.

Arealdelen i kommuneplan, økonomiplan og andre sektorplanar skal ta utgangspunkt i gjeldande samfunnsdel og verkeleggjere måla i denne.



Ryvarden kulturfyr



Sveio – før, no og framover

Under ønskjer me å synleggjere viktige forhold ved kommunen, framtidige utfordringar og sentrale overordna retningsliner:

Gullringen (1000 år f.kr.) funn Vikse 1953



Undersøking hausten 2008 (U2008)

Hausten 2008 gjennomførte me ei stor spørjeundersøking av 300 tilfeldig utvalde innbyggjarar i kommunen. Me ønska mellom anna å undersøke om me hadde

nådd hovudmålet frå førre kommuneplan om å vere ein god kommune å bu i. Me spurde: "Kor godt eller dårlig passar følgjande framstilling av Sveio kommune: God plass å bu?" Tilbakemeldinga var svært positiv: 86% svara anten "godt" eller "svært godt", og det var små variasjonar mellom aldersgrupper, kjønn, geografisk bustad og utdanningsnivå.

Svar frå undersøkinga vert nyttå seinare for å vise særskilte forhold ved Sveio kommune.



Ryvarden fyr

Sveio i regionen

Sveio kommune ligg langs kysten heilt sør i Hordaland. "Sveio midt i leio" viser til kommunen sin sentrale plassering mellom to sterke næringsregionar, Haugalandet og



Kommuneplan for Sveio 2011-2023

"Vilje til vekst – ein god stad å bu"

Sunnhordland, og den korte avstanden til byane Stavanger og Bergen.



Tittelsnes - utsikt mot Stord

Organisasjonen Sveio kommune

Kommunestyret (25 representantar) er Sveio kommune sitt øvste organ, og alt ansvar og mynde ligg i utgangspunktet her. Kontrollutvalet, formannskapet og tre ulike hovudutval er dei viktigaste politiske organa med delegert mynde frå kommunestyret (sjå *Delegeringsreglement for Sveio kommune* for ei detaljert framstilling).

Rådmann er administrasjonen sin øvste leiar. Rådmann skal sjå til at saker som vert lagt fram for folkevalde organ er forsvarleg utgreia, at politiske vedtak settast i verk og at administrasjonen drivast i tråd med overordna føresegner.

Administrasjonen er i hovudsak organisert over to ansvarsnivå (tonivåmodell):

1. Administrativ strategisk leiing: Rådmann, tre kommunalsjefar og økonomisjef.

2. Resultateiningane; budsjett-, resultat-, personal-, økonomisk- og fagleg ansvar.

Støtteeininger (kommunale fellesløysingar) skal gje støtte og service til strategisk leiing og til driftseiningane.

Sveio kommune samarbeider elles interkommunalt om oppgåver som er komplekse og der organisasjonen ikkje har tilstrekkeleg kompetanse eller kapasitet til å løyse oppgåvene sjølv (sjå oversikt bakarst for fleire detaljar, over organisasjonskart, interkommunalt samarbeid og anna).

Folketalsutvikling og kommunale tenester

Kommunen si viktigaste oppgåve er å tilby innbyggjarane gode tenester. Dei fleste tenestene er lovpålagte, men lokale ekstraløyvingar og dei tilsette sin innsats påverkar kvaliteten i tenesteproduksjonen. U2008 viste at innbyggjarane i Sveio kommune i hovudsak er nøgde med tenestene. Innanfor barnehage, skule og helsetenester var dei aller fleste respondentane ”svært nøgde” eller ”nøgde” med tilboden. Under 5% av innbyggjarane var ”misnøgde” eller ”svært misnøgde” med tilboden.


Fra 1970 og fram til 2009 har innbyggjartalet vokse med gjennomsnittleg 36,6 innbyggjarar per år. Folkeauken fra 2000 til 2009 har gjennomsnittleg vore 31,4 innbyggjarar per år, noko som er langt sterkare enn 1990-talet (4,1 innbyggjarar per år), men derimot forsiktig samanlikna med 1970-talet (73,9 innbyggjarar per år) og 1980-talet (36,6 innbyggjarar per år).



Kommuneplan for Sveio 2011-2023

"Vilje til vekst – ein god stad å bu"


Folketalsutvikling 1970-2010 (ssb.no)



Det meste av veksten dei siste åra har skjedd i nærliken av Sveio sentrum og i Vikse skulekrins. Veksten heng saman med at søre del av Sveio kommune ligg nær Haugesund. Utviklinga har vore i samsvar med kommunen sitt mål om fortetting.

Ved sida av målet om fortetting har kommunen ønska å ta vare på den desentraliserte busetnaden og levande bygder. Kommunen har lagt ut byggefelt i desse områda, opna for spreidd bustadbygging og halde fast ved ein desentralisert skulestruktur.

Framskrevet folkemengde totalt (2010-2025) (ssb.no/livskraftigkommuner.no)



Statistisk sentralbyrå si folketalsframskrivning frå 2009 viser at folkeauken vil fortsette dei neste åra: SSB sine prognosar viser at kommunen vil vekse til 5477 innbyggjarar i 2020, og

vidare til 5732 innbyggjarar i 2025. Dette inneber ei vekst på rundt 49 innbyggjarar per år. (Framskrivningane er gitt mellomnivået for fruktbarleik, levealder, innanlands flytting og netto innvandring. Seinare framskrivningar tek utgangspunkt i same grunnlag).

Innbyggjarane i Sveio ønskjer ei folketalsauke. Vi stilte følgjande spørsmål i U2008: "Bør kommunen vere aktiv i å legge til rette for ei folketalsauke i kommunen?" Heile 83,7% av respondentane svara "ja", 12% svara "veit ikkje" og berre 4% av innbyggjarane svara "nei".



Ei folkeauke vil gje større inntekter til kommunen og betre grunnlaget for næringslivet. Samstundes vil ei sterk folkeauke vere ei utfordring i høve til det kommunale tenestetilbodet. Det er ikkje berre løyvingar til drift som må aukast. Kommunen vil òg få press på den kommunale infrastrukturen. Investeringar bør difor, i størst mogleg grad, ta høgde for at folketalet kan stige med rundt 1000 innbyggjarar dei neste 16 åra.

Framtidig lønsvekst i kommunen vil sannsynlegvis følgje lønsutviklinga i privat sektor. Ettersom det til dømes er vanskeleg



Kommuneplan for Sveio 2011-2023

"Vilje til vekst – ein god stad å bu"


å effektivisere læring og omsorg, kan ikkje lønsveksten kommunalt, i same grad som i privat sektor, kompenserast med auka produktivitet.

Eldre

U2008 viser at innbyggjarane meiner at Sveio kommune er ein god stad å bli gammal. Eldre sine vilkår i kommunen vart av 71% vurdert som anten ”gode” eller ”svært gode”. Kun 5 % vurderte eldre sine vilkår som ”dårlege”, ingen vurderte dei som ”svært dårlige”.

Delen av befolkninga frå 67 år og meir vil auke gradvis dei komande tiåra. SSB har framskrivningar for Sveio kommune der talet på dei over 67 år vil auke frå 565 personar i dag til 1011 i 2025. Veksten innanfor denne aldersgruppa vil utgjere over halvparten (54%) av den totale folkeveksten fram mot 2025.

Framskrevet eldre, 67 år og eldre (2010-2025)
(ssb.no/ livskraftigkommuner.no)



I hovudsak er det positivt at folk lever lengre. Samstundes medfører utviklinga auka behov for sjukeheimspllassar og omsorgsbustader. Med bakgrunn i framtidig alderssamansetting, er det naturleg at også andre helsetenester vil krevje meir ressursar 10-20 år fram i tid. Vi vil òg nemne at framtidige brukarar mest sannsynleg vil stille større krav til

tenestene enn eldre i dag. Ei slik utvikling kan gje ein ytterlegare kostnad.

St.meld.nr.47 ”Samhandlingsreformen” viser til dei demografiske utfordringane vi står ovanfor med stadig fleire gamle og pleietrengande. I tillegg peiker meldinga på administrative utfordringar knytt til koordinering av rette tenester til rett tid. Ikkje minst framhever meldinga behovet for sterkare satsing på førebygging av sjukdom, framfor kostbar behandling, ofte som resultat av manglande oppfølging over tid. Reforma kan tolkast inn i vår kommunale kvardag. Einingane i Sveio kommune har ulike funksjonar knytt til førebygging, statlege institusjonar har andre. Betre koordinering mellom kommunale einingar og statlege institusjonar er ei utvikling som vil vere i tråd med intensionane i meldinga.

Barn og unge

Vurderinga av barn sine vilkår i kommunen er òg gode hos kommunen sine eigne innbyggjarar. Barn sine vilkår vart av 77% vurdert som anten ”gode” eller ”svært gode”. Under 2% vurderte barn sine vilkår i kommunen som ”dårlege” eller ”svært dårlige” (U2008).



Sveio barnehage



Kommuneplan for Sveio 2011-2023

"Vilje til vekst – ein god stad å bu"

I 2009 var det 385 barn i alderen 0-5 år i Sveio. Dette talet vil i følgje SSB stige jamnt til rundt 446 i 2025. Med 61 fleire barn i alderen 0-5 år, og eit krav om barnehageplass til alle, vil det krevje framtidig styrking av barnehagetilbodet. Denne delen av befolkninga vil, i likskap med utviklinga i befolkninga elles, vere på rundt 15% fram mot 2025.



Talet på barn i skulealder vil i dei komande åra vere nokså stabilt. Framskrivingar frå SSB viser at barn i barneskulealder (6-12 år) vil minke med rundt 19 elevar fram til 2011 og ikkje nå dagens nivå igjen før i 2025. Talet på ungdomsskuleelevar vil stige med rundt 25 elevar fram til 2015 og minke noko, til eit nivå på rundt 18 elevar meir enn i dag i 2025.

Utfordringa knytt til barn og unge kan ligge i at folketalsutviklinga vil vere ulik i dei ulike krinsane. Folketalsauken har som nemnt skjedd i tilknyting til Sveio sentrum og i Vikse krins. Det er venta at denne utviklinga vil fortsette, og det vil, saman med aukande krav til kvalitet i utdanninga, sette skulestrukturen under press.

Næringsliv

Fylkesplan for Hordaland 2005 – 2008 sett ulike mål for heile fylket si utvikling, og den har samanfallande målsettingar med vår kommuneplan. Me vil særleg nemne satsinga på verdiskaping og trekke fram

fylkeskommunen sin visjon for næringspolitikken: "Hordaland skal vera mellom dei mest innovative regionane i Europa i næringar der fylket har særlege føremoner, med vekt på lønsemrd, internasjonal konkurranseskraft og evne til omstilling".



Utsikt til Bømlafjorden


Sveio kommune har i dag eit mangfaldig næringsliv, og Sveio næringsservice fungerer som vår førstelineteneste mot næringslivet.

Næringsutviklinga i Sveio kommune er geografisk plassert på ulike stader med einskilde tyngdepunkt. Sveio kommune har ei offensiv landbruksnæring som gjev oss eit vakkert kulturlandskap og grunnlag for busettnad i heile kommunen. Akvakultur er ei næring som styrker dei kystnære stadane. Handelsnæringa har som følgje av utviklinga rundt Sveio sentrum vakse dei siste åra, og bygginga av Haugaland Golfbane Sveio har ført til etablering av ei rekke bustader og av næringsbygget Albatross. Bygg- og anleggsnæringa er viktig i kommunen, og me har elles industri og tenesteytande bedrifter på ulike stader i kommunen. Ryvarden fyr og Fartein Valen-heimen er konkrete satsingar på kulturbasert næring sør og nord i kommunen.



Kommuneplan for Sveio 2011-2023

"Vilje til vekst – ein god stad å bu"



Sjølv om mangfaldet er stort og den geografiske plasseringa er relativt spreidd, har vi utfordringar knytt til at for få som ønskjer det får arbeid i kommunen (U2008). Mange bur i kommunen og pendlar til Nordsjøen, Haugesundsområdet eller til Stord.

Likestilling

Sveio kommune har medels gode resultat på Statistisk sentralbyrå sin likestillingsindeks frå 2008. Kommunen har god barnehagedekning, men me har få unge kvinner i kommunen samanlikna med talet på unge menn: For 100 menn i alderen 20-39år er det berre 86 kvinner.

Det er òg noko därlegare svar frå kvinner enn frå menn på moglegheitene for at dei vil bu i kommunen om 5 år. Like mange av både kjønn svara at dei heilt sikkert kom til å bu i Sveio kommune om 5 år. Men 17,3% av kvinnene i utvalet, mot berre 10,7 % av menn, svara at det var "usikkert" om dei kom til å bu i Sveio kommune om 5 år.

Det er relativt store skilnader i inntekt mellom menn og kvinner i kommunen. Menn tente i 2007 gjennomsnittleg 406 700 kr årleg mot 217 600 kr årleg for kvinner. Skilnaden er større enn gjennomsnittet i Hordaland og i Noreg og kan delvis forklaast med at Sveio er ein pendlarkommune.




U2008 avdekkja at kvinner er opptekne av gode kommunale tenester. Kvinner framheva særskilt helse og omsorg, trafikksikring og skule som viktige prioriteringssområde.

Kultur

Kommunen si satsing på kultur er til ein viss grad styrt av overordna føringar og pålegg, men arbeidet står i stor grad på lokale prioriteringar.

Eit godt kulturtilbod er ein føresetnad for busetnad og trivsel i kommunen. Kommunen og frivillige lag og organisasjonar står for eit variert tilbod av kulturaktivitetar. Det vert satsa sterkt på dei kulturelle fyrtårna Ryvarden, Sveio Golfpark og Fartein Valen-arbeidet som også er sentrale i kommunen sin profilering utad.




Kommuneplan for Sveio 2011-2023

"Vilje til vekst – ein god stad å bu"

Barn og unge får gjennom kulturskulen, ungdomsrådet, biblioteket og den kulturelle skulesekken eit breitt kulturtildødt. I tillegg vert frivillige lag og organisasjonar med tilbod til denne gruppa prioritert i støtteordningane.

Sveio kommune har rike moglegheiter for friluftsliv. Sentralidrettsanlegget i Sveio sentrum er styrka dei siste åra. I tillegg er det mindre idrettsanlegg og nærmiljøanlegg i krinsane. Det vert stadig bygd nye anlegg for idrett og friluftsliv med støtte frå spelemidlar, i samsvar med plan for Idrett og friluftsliv.



Kommunen si kulturminnesatsing har vore konsentrert om utviklinga av Ryvarden, Valenheimen og Kyrkjegarden ved havet. Elles vert det praktiske vernearbeidet hovudsakleg gjort av private, ofte med støtte frå landbruksmidlar gjennom SMIL-ordninga. Sunnhordland museum og

fylkeskonservatoren vert nytta som faglege rådgjevarar.




Einstadbøvoll gard

Arealbruk og miljø

Me har freista å gjere kommunen til ein god stad å bu gjennom å ta omsyn til omgrepene ”berekräftig utvikling” i kommunen sin arealbruk. (St.meld.nr.26 (2006-2007) *Regjerings miljøpolitikk og rikets miljøtilstand*). Samstundes har me freista føre ein arealpolitikk som innbyggjarane er samde i. U2008 viser me i stor grad har lukkast med det:

”Kor nøgd er du med kommunen sin arealforvaltning?” (U2008)



Tradisjonelt har busetnaden vore svært desentralisert i Sveio kommune, men dei siste åra har me opplevd ei aukande



Kommuneplan for Sveio 2011-2023

"Vilje til vekst – ein god stad å bu"

fortetting rundt Sveio sentrum. Denne utviklinga har vore i tråd med kommunen sin arealpolitikk og med retningsliner frå overordna styresmakter (St.meld.29 (1996-1997) *Regional planlegging og arealpolitikk*).



Valen kapell

Samstundes har kommunen ønska å ta vare på høve til å byggje spreidd. Denne haldninga har òg vore i tråd med Samarbeidsregjeringa si politikk. I St.meld.nr.21 (2005-2006) *Med hjarte for heile landet. Om distrikts- og regionalpolitikken* viser regjeringa at utviklinga i distrikta skal fremjast. Regjeringa skriv at "folk skal ha ein reell fridom til å busette seg der dei ønskjer". Dette omsynet fremjast òg i St.meld.nr.25 (2008-2009). Her vert identitet kopla saman med høve til å bu der ein måtte ønskje. I Sveio kommune opplever mange at deira krins eller bygd er det som gjev dei identitet. Dette er ein "mjuk" verdi som kommunen har freista ta vare på i arealplanlegginga. Innbyggjarane har i stor grad fremja dette ønsket både på folkemøta og i U2008.

Sveio kommune har, ved sida av fastbuande, hatt mykje hytter og fritidsbygg ved sjøen. Kommunen har dei

siste åra ført ein politikk med fortetting i område der det allereie er liknande bygg. Samstundes har kommunen freista å ta vare på urøyrd område.



Førdespollen

Energi- og klima er eit område, innan bærekraftig utvikling, som har fått sterkt aukande merksemd nasjonalt og internasjonalt dei siste åra. Kommunane har fått påtrykk om å utarbeide eigne energi- og klimaplanar. I Sveio kommune er støtta til klimaarbeid sterkt. Vi spurte i U2008: "Kor aktiv bør Sveio kommune vere i forhold til klimaspørsmålet?". 65% av respondentane svara anten at kommunen burde vere "aktiv" eller "svært aktiv" i høve til denne utfordringa.

Betre *kollektivtilbod* er viktig både av klimaomsyn, men òg for å betre mobiliteten for grupper som ikkje disponerer bil og for å gje eit alternativ til dei som har bil. Kommunen driftar ikkje bussane, og ein auka kollektivfrekvens krev i hovudsak auka løvingar frå stat og fylkeskommune. Sveio kommune kan likevel påverke indirekte ved ein arealpolitikk som konsentrerer framtidig busetnad om hovudvegane og gjennom å øve politisk press mot sentrale avgjerdstakrarar.



Kommuneplan for Sveio 2011-2023

"Vilje til vekst – ein god stad å bu"

Det er i Sveio etablert eit arbeid med *kystlandskapspark*. Landskapsparken omfattar i første omgang området frå Tjernagel til Søre Mølstre. Den er etablert i eit område der natur- og kulturlandskapet har spesielle kvalitetar. Målet er å ta vare på desse kvalitetane, og nytta lokal kultur og tradisjonar i utviklinga av næringslivet i området. Småskala næringsutvikling og lokal verdiskaping, mellom anna knytt til landbruk og reiseliv, skal prioriterast i landskapsparken.



Stor salamander

Omsynet til *biologisk mangfold* står òg høgt på den nasjonale og internasjonale agenda. Noreg har forplikta seg til eit mål om stans i tap av biologisk mangfold innan 2010. Sveio kommune kan medverke gjennom å bevare gammal skog og eit tradisjonelt jordbrukslandskap. Slike område har generelt eit rikt biologisk mangfold. Kommunen har relativt store førekomstar av artane stor salamander, kystlynghei og dvergmarinøkkel (raudlista av Direktoratet for naturforvaltning).

Demokrati og deltaking

Innbyggjarane i kommunen er nøgde med lokaldemokratiet. I U2008 svara i underkant av 15% ”dårleg” eller ”svært dårlig” på følgjande spørsmål: ”Kor godt legg kommunen til rette for at du kan påverke avgjerder i kommunen”. Dei øvrige svara ”medels”, ”godt”, ”svært godt” eller ”veit ikkje”. Me trur dei relativt gode resultata skuldast at Sveio er ein liten kommune.

I tillegg til innbyggjarane si velnøye, kan vi òg konstatere at den demokratiske deltakinga i kommunen er god. Deltakinga på folkemøta, i samband med innspelsprosessen til ny kommuneplan hausten 2008, var svært høg: 316 av kommunen sine rundt 4900 innbyggjarar møtte. Ved kommunevalet i 2007 stemte 65,8% av Sveio kommune sine innbyggjarar, mot 61,2% i heile Noreg. Det at ordførar, varaordførar og 48% av kommunestyrerrepresentantane er kvinner, tyder òg på at den politiske makta er nokså likt fordelt mellom kjønna.

Målet om å utvikle eit godt demokrati vert framheva i Offentlegheitslova. Lova



Kommuneplan for Sveio 2011-2023

"Vilje til vekst – ein god stad å bu"

freistar å fremje ei "open og gjennomsiktig" forvaltning slik at "den demokratiske deltakinga, rettstryggleiken for den einskilde, tilliten til det offentlege og kontrollen frå ålmenta" vert ivareteke. St.meld nr.33 (2007-2008) *Eit sterkt lokaldemokrati* viser at regjeringa ønskjer å styrke det kommunale demokratiet ved å la oppgåver i mindre grad bli bestemt ovanifrå.




Universell utforming er eit omgrep som skal fremje høve til deltaking hos alle grupper og enkeltindivid. Dette omsynet vert stadig meir vektlagt frå sentrale styresmakter. Staten har tatt dette omsynet inn i føremålet til ny plan- og bygningslov. Hordaland fylkeskommune sett i fylkesdelplanen *Deltaking for alle – universell utforming* regionale mål for arbeidet. Offentlege bygg, transportløysingar og møtestader må utformast slik at alle kan nytta tilbodet. Omgrepet universell utforming er ikkje godt nok kjent i kommunen. Elles har me utfordringar knytt til å utforme universelle løysingar i ein kommune som er relativt desentralisert.

Økonomi

Sveio kommune har tradisjonelt hatt god økonomi, men det har vore utfordringar dei siste åra. Svake driftsresultat vil over tid føre til avgrensa handlingsrom for kommunen.

Netto driftsresultat Sveio kommune 2005-2009 (i mill.kr.)



Noko av presset på drifta skuldast indirekte dei investeringane som gjerast. Avdrag og renter har innverknad på finansane, men den påfølgjande drifta (målet med investeringane) tynger økonomien langt meir. Investeringsnivået indikerer difor framtidig auka driftsutgifter.

Kommunane sin interesseorganisasjon (KS) meiner at netto driftsresultat for kommunane bør ligge på om lag 3% av inntektene.

Med bakgrunn i denne skildrande delen går me nå over til å sette mål for Sveio kommune. Dei er retningsgjevande for heile kommunen si utvikling dei neste 12 åra.



SVEIO – MIDT I LEIØ

1. Tenester med kvalitet

For at Sveio skal vere ein god kommune å bu i må vi tilby kommunale tenester med kvalitet. U2008 avdekkja at innbyggjarane i hovudsak var nøgde med kvaliteten i tenestene. For å vidareutvikle tenesteproduksjonen skal organisasjonen arbeide mot følgjande delmål:



I Sveio kommune skal:

- alle tilsette arbeide for at Sveio blir den beste servicekommunen i Noreg innan 2014
- alle tilsette *sette brukaren i sentrum*. Kommunen skal gje eit differensiert og tilpassa tenestetilbod, i tråd med sentrale overordna føringer
- alle tilsette arbeide aktivt for eit godt *arbeidsmiljø*
- alle tilsette vere fleksible og kunne handla saman på tvers av faggrenser og einingar.
Utfordringar knytt til Samhandlingsreformen skal løysast gjennom tverrfagleg samarbeid

- leiatar verdsette *ulik kompetanse* og styrke *den faglege kompetansen* hos dei tilsette
- me tilby tenester av høg kvalitet. Det skal leggast til rette økonomisk for at dette målet vert verkeleggjort

For å lukkast med tenesteproduksjonen er det viktig å løyve nok midlar. Samstundes er det viktig å oppretthalda eit driftsoverskot, slik at kommunen har midlar for framtidige investeringar:

- Sveio kommune skal ha minst 3% overskot i årleg netto driftsresultat
- Alle tilsette skal arbeide effektivt, vere kostnadsmedvitne og freiste generere mest mogleg inntekter til kommunen
- Strategisk administrativ leiargruppe skal søke interkommunalt *samarbeid* i tenesteproduksjonen der det er føremålsteneleg

Folkehelse

Utkast til Regional plan for folkehelsearbeidet i Hordland seier at *"folkehelsearbeid er eit nasjonalt og regionalt satsingsområde med høg prioritet. Dei overordna måla med arbeidet er fleire leveår med god helse i befolkninga som heilskap og reduserte*



Kommuneplan for Sveio 2011-2023

"Vilje til vekst – ein god stad å bu"

helseforskjellar mellom sosiale lag, etniske grupper, kvinner og menn".

Planen skal ha fokus på folk sine ressursar framfor fokus på avgrensingar.

Den overordna målsettinga er å få til eit systematisk og langsiktig folkehelsearbeid og gjennom lovfesting av fylkeskommunen sine oppgåver frå 1. januar 2010, samhandlingsreforma og framlegg til ny folkehelselov, ny lov for helse- og omsorgstenestene og ein ny helse- og omsorgsplan bidrar dette til å endre rammevilkåra for folkehelsearbeidet.

Kommunen si oppgåve er å delta i arbeidet med å betra folkehelsa og følgje opp krava i lovane og dei overordna målsetningane som vert sett på nasjonal og regional nivå.



Arbeidet med å sikra gode vilkår for å betra folkehelsa er sektorovergripande og arbeidet i kommunane skjer i eiga tenesteyting, i samfunnsplanlegginga og for nokre kommunar gjennom partnarskap for folkehelse. Innsatsen må rettast mot mål som handlar om å:

- skape gode oppvekst- og levekår.
- skape eit samfunn som legg til rette for sunne levevanar, fellesskap, likeverd, sjølvstende, tryggleik, berekraft og deltaking.



Det avteiknar seg nokre område som bør prioriterast i høve ei betra folkehelse i Sveio:

- politisk og administrativ forankring av folkehelsearbeid i kommunen.
- inngå avtale om partnarskap for folkehelse.
- folkehelsesatsing som del av kommunalt utviklingsarbeid.
- drive ei helsefremjande kommuneplanlegging med fokus på:
 - a) arealbruk/planlegging, samferdsel og transport, utvikling av livskraftige og helsefremjande lokalsamfunn og universell utforming.
 - b) faktorar som påverkar helse: oppvekstmiljø, kultur og fritid, sosiale nettverk, arbeid og arbeidsforhold.
 - c) livsstilsfaktorar: fysisk aktivitet, kosthald, tobakk og rus, psykisk helse.



SVEIO – MIDT I LEIØ

Kommuneplan for Sveio 2011-2023

"Vilje til vekst – ein god stad å bu"

Folkehelsearbeidet skal kjenneteiknast av at det:

- omfattar alle arenaer der folk bur, arbeider og lever sine liv.
- omfattar både helsefremjande og førebyggjande arbeid.
- byggjer opp under faktorar som gjev god helse for samfunnet som heilskap.
- gjer enkeltpersonar i stand til å ta kontroll over forhold som verkar inn på helsa.

Det vert skissert fem hovudstrategiar for å nå målet:

- å bygge opp helsefremjande politikk
- å skape støttande miljø
- å styrke handlingsrommet i lokalmiljøet
- å utvikle personleg dugleik og reorientere helsetenesta i helsefremjande retning

For at Sveio kommune skal lukkast i sitt arbeid for ei god Folkehelse, må me:

- sikre at kunnskap om helsetilstand og sentrale påverknadsfaktorar vert lagt til grunn for lokale og regionale planar og tiltak.

- vidareutvikle folkehelsearbeidet som lokalt og regionalt satsningsområde.
- forankre folkehelsearbeidet i alle sektorar og politikkområde.
- sikre at folkehelsearbeidet blir inkludert i relevante plandokument.
- klårgjere organiseringa av arbeidet.
- utvikle mål og strategiar for folkehelsearbeidet.
- få oversikt over og utvikle verktøy for arbeidet.

For å illustrere korleis stoda er i høve til ulike måleparametre for levekår, kan ein taka utgangspunkt i kommunebarometeret. Dette er ei samanstilling av folkehelsestatistikk som gjev eit rast og lettfatteleg bilete av nokre utvalte indikatorar innanfor demografi og sosioøkonomiske faktorar, risikofaktorar, beskyttande faktorar, helsetilstand og helsetenestar i kommunen som kan brukast i arbeidet med å finna faktagrunnlag i kommunen sine planprosessar, jf. vedlegg 3



2. Offensiv næringsutvikling

Kommunen skal støtte, samordne og legge til rette for ei god næringsutvikling. Det skal skje gjennom budsjettløyvingar, ein god arealpolitikk, i samarbeid med private aktørar og ved politisk påverknad mot overordna mynde. Kommunen ønskjer at private føretak opplever Sveio som ein god stad å vere.



Haugaland Golfbane Sveio

Sveio kommune skal:

- utbetre kommunal infrastruktur og påverke regionale og nasjonale mynde til satsing på infrastruktur i nærområda
- vere nyskapande – legge til rette for satsing på elevbedriftar, stimulere næringsutvikling ved golfbanen,

stimulere reiselivsnæringa og satse på kulturbasert næring

- gjennom Sveio næringsservice arbeide for å trekke til seg både små og store verksemder
- gjennom planarbeid tilby gode areal og dermed utnytte kommunen sin sentrale plassering på Haugalandet og i Sunnhordland
- gjennom Sveio næringsservice og andre kommunale organ utvikle eit godt partnarskap for samhandling mellom kommunen og private organisasjonar
- ha ei målretta reiselivssatsing der Ryvarden, Fartein Valen, Sveio golfpark og landskapet/naturen er hovudattraksjonane. Det skal leggjast til rette for bruk av naturen på ulike måtar; til fots, på sykkel, med båt, kano/kajakk og til hest. Dette er viktige tiltak både for reiselivsnæringa, og for fritid og folkehelse for eigne innbyggjarar. I "Tiltaksplan for reiseliv i Sveio", vedtatt våren 2011, er det gjort greie for korleis ein vil nå desse måla.



Kommuneplan for Sveio 2011-2023

"Vilje til vekst – ein god stad å bu"

Landbruket

Landbruk med vekt på jordbruk er ei viktig næring i Sveio. Kommunen har ein relativt stor del av sysselsetjinga i jordbruket. Mykje av næringsutviklinga i kommunen skjer i landbruket eller med basis i menneskeleg og materielle verdiar knytt til landbruket. Landbruket er vesentleg for spreidd busetjing og for næringsutvikling i alle delar av kommunen.



Kommunen vil leggja vekt på landbruksstilknyting ved næringsutviklinga i kommunen på slik måte som opplista her:

- kommunen skal i alt næringsarbeidet leggja vekt på at lokale ressursar vert tekne i bruk og utvikla
- kommunen vil leggja vekt på at dei som driv eller eig landbruks-eigedomar i størst mogleg grad skal ha høve til landbruksstilknytt næringsutvikling (Landbruk +)
- innafør råmene av (Landbruk +) skal kommunen leggja til rette for og tillata næringsutvikling på gardsbruk

- på nærmere bestemte vilkår skal ikkje strandsonevernet vera til hinder for landbruksstilknytt næringsutvikling
- kommunen skal stimulera til utvikling av tenester innan Inn på tunet (IPT) som del av kommunen og andre etterspørjarar si tenesteutvikling
- kommunen skal leggja til rette for utvikling av opplevingstilbod og andre tenestetilbod på gardsbruk, særleg dei tilboda som er baserte på lokale ressursar
- der det ligg til rette for utnytting av naturressursar i kommunen, skal slik utnytting ha høg prioritet



Lier

3. Areal – utvikling, miljø, landbruk og samfunnstryggleik

Omsynet til utvikling og til miljø kan til tider kome i konflikt med kvarandre. Me freistar å synleggjere potensielle konfliktar og å ha ei arealforvaltning som balanserer mellom ulike omsyn.



Kystlynghei

Utvikling

Arealforvaltinga skal legge til rette for at folk også i dei komande åra ønskjer å flytte til Sveio kommune. U2008 og folkemøta hausten 2008 viste at innbyggjarane ønskjer å legge til rette for folkeauke og for ei differensiert arealforvaltning. Med bakgrunn i overordna føringar, lokal

politisk semje og innbyggjarane sine ønskje vil kommunen ha ein arealbruk som tar omsyn til ulike utviklingsføremål.

Sveio kommune skal:

- arbeide for å auke folketalet i kommunen med 2% årleg
- arbeide for gode areal til næringslivet
- arbeide for fortetting og sentrumsutvikling
- legge til rette for spreidd busetnad
- legge til rette for hamner og småbåthamner
- legge til rette for utbygging av naust i område der det allereie er slike bygg
- legge til rette for utbygging av fritidsbustader i tråd med kommunen sitt planverk
- føre ein politikk som sikrar fiske- og oppdrettsnæringa sine



Kommuneplan for Sveio 2011-2023

"Vilje til vekst – ein god stad å bu"

langsiktige interesser, men som samstundes tek omsyn til andre tilgrensande interesser

Miljø

Utviklinga av kommunen må i minst mogleg grad få negative konsekvensar for viktige miljøverdiar. Me ønskjer å ta vare på naturen sin eigenverdi og på ulike miljø som verdi for innbyggjarane.

Sveio kommune skal:

- gjennom ein medviten miljøpolitikk oppnå ei berekraftig samfunnsutvikling
- i samsvar med Energi- og klimaplan for Sveio kommune arbeide for å redusere kommunen sitt totale energiforbruk og klimagassutslepp i kommunen. Kommunen skal legge til rette for utviklinga av alternativ energi
- arbeide for auka samfunnstryggleik
- arbeide for ein arealpolitikk som sikrar barn og unge sine interesser
- arbeide for ein arealpolitikk som sikrar eit rikt friluftsliv i kommunen
- arbeide for auka trafikksikring. Det skal skje i samsvar med Trafikksikringsplan for Sveio kommune 2009-2012
- arbeide for å ta vare på det biologiske mangfaldet



Dvergmarinøkkel

- verne landbruket sine kjerneområde
- verne viktige kulturminne og etablere særskilte omsynssoner for kulturminne. Det skal utarbeidast kulturminneplan for Sveio kommune
- sette krav om estetisk utforming av bygg
- ta vare på område for vilt
- gjennom Sunnhordland interkommunale miljøselskap (SIM) arbeide for god avfallshandtering



Kommuneplan for Sveio 2011-2023

"Vilje til vekst – ein god stad å bu"

Landbruket

Landbruk med vekt på jordbruk er viktig i Sveio. Kommunen har ein relativt stor del av sysselsetjinga i jordbruket.

Jordbruksarealet i kommunen er viktig for matproduksjon, opplevingsverdiar og naturmangfald. Kommunen vil praktisera jordvernet i samsvar med nasjonale føringer. Det skal vera svært gode og veldokumenterte grunnar for å omdisponera viktige jordbruksføremål til andre føremål. Kulturlandskapet skal forvaltas slik at kulturhistoriske og estetiske verdiar, opplevingsverdiar, biologisk mangfald og tilgjenge vert oppretthalde.



Kommunen har slik føringer som nedafor for omdisponering av landbruksareal. Desse byggjer på føringer i den nasjonale arealpolitikken:

- fortettingspotensiale i allereie utbygde og omdisponerte område skal utnyttast før nytt verdifullt landbruksareal vert sette av til utbyggingsføremål
- når omdisponering av verdfulle landbruksområde er naudsynt, skal det leggjast opp til ein høg

utnyttingsgrad på dei areala som vert lagde ut til utbyggingsføremål

- naudsynte omdisponeringar skal vera ledd i ei langsiktig utviklingsretning i kommunen, der utbygginga vert styrt mot dei minst verdfulle areala
- kommunen skal leggja særleg vekt på å unngå omdisponering av samanhengande areal med verdfullt kulturlandskap og dyrka eller dyrkbar jord
- kommunen skal arbeida for klare og langsiktige grenser mellom utbygde område og landbruksområde. Dette er noko utfordrande i Sveio då den dyrka og dyrkbare jorda er oppdelt og ligg fordelt over store delar av kommunen.



Kommuneplan for Sveio 2011-2023

"Vilje til vekst – ein god stad å bu"

Samfunnstryggleik og beredskap

Sveio kommune skal vere ein trygg kommune for alle som bur, ferdast, har sitt virke eller har eigedom i kommunen. Kommunen skal ha høg fokus på samfunnstryggleik og beredskap og integrere dette arbeidet i den daglege verksemda, for best mogleg å unngå eller avgrense følgjene av kriser og uønskte hendingar.

Kommunen har ei sentral rolle i forhold til samfunnstryggleik og beredskap. Ansvaret for risiko- og sårbarheitsanalysar og beredskapsarbeid ligg hos den enkelte verksemد, jmf. ansvars-, likskaps- og nærlieksprinsippet (St. melding nr 22, 2007-2008):

- Ansvarsprinsippet:
Den verksemد som har ansvaret for en teneste i ein normalsituasjon har også eit ansvar i ein krisesituasjon.
- Likskapsprinsippet:
Det skal vere mest mogleg likskap mellom organisering i ein normalsituasjon og i ein krisesituasjon.
- Nærleksprinsippet:
Kriser skal handterast på lågast mogleg nivå.

Trusselbiletet har over tid endra seg frå hovudfokus på krigsberedskap til beredskapsbehov i forhold til naturkatastrofar, ulukker, terror og sjukdom/epidemiar som meir aktuelle problemstillingar. Tragediar og uventa dødsfall rammar også samfunnet vårt. Her er det viktig at i første rekke skular og barnehagar har beredskapsplanar og at kommunen sitt psykososiale hjelpeapparat kan tre i funksjon raskt ved behov. Med

gjennomfartsårer med stor trafikk og høg fart er moglegeheitene for ulukker av større omfang til stades i kommunen.

Kommunen har beredskapsplikt med krav til utarbeiding av sektorovergripande risiko- og sårbarheitsanalysar og beredskapsplanar, med forventning om sterkt engasjement for førebygging i communal planlegging.



Husbrannøving, Kleivo 2005

Målsetjingar for communal beredskap:

- aktivt førebyggje, ha best mogleg beredskap og raskt setje i verk gode tiltak mot kriser, uønskja hendingar og kriminalitet.
- kommunen skal ha eit ajourført og øva kriseplanverk som skal gjere kommunen i stand til raskt å handtere ein oppstått situasjon på best mogleg måte.



Øving - trafikkulukke 2003



Kommuneplan for Sveio 2011-2023

"Vilje til vekst – ein god stad å bu"

- Sveio kommune skal i alle einingar og nivå i organisasjonen arbeide for å redusere sannsyn for at uønskja hendingar eller kriser kan oppstå, samt konsekvensar av slike hendingar.
- Det skal takast nødvendige beredskapsmessige omsyn ved all kommunal planlegging, utbygging og drift.
- Overordna risiko- og sårbarheitsanalyse skal reviderast kvart 4. år eller oftare om dette er nødvendig av planmessige årsaker.
- Kommunen skal påverke andre myndigheter når kommunale beredskapsmessige omsyn ikkje synes teken i vare, dersom avgjøringa ligg utanfor kommunen sitt myndigheitsområde.

- Kommunen skal sørge for å følgje opp dei til ei kvar tid gjeldande tiltak i ROS-analysen, vedkommande utbygging, utbetring og anskaffingar.

ROSMATRISE (LIV OG HELSE)

S	S5	Green	Yellow	Red	Red	Red
A	S4	Green	Yellow	Red	Red	Red
N	S3	Green	Yellow	Yellow	Red	Red
N	S2	Green	Yellow	Yellow	Red	Red
S	S1	Green	Yellow	Yellow	Red	Red
Y		K1	K2	K3	K4	K5
N						KONSEKVENS

Matrise for vurdering av konsekvensar og sannsyn for tenkte hendingar i ROS-arbeidet

- Beredskapsarbeidet skal kontrollerast og korrigerast årleg.
- Kvalitetssikringssystemet for beredskapsarbeidet skal vurderast og korrigerast kvart 4. år.



4. Demokrati, deltaking og kultur

Me integrerer dei tre omgrepa demokrati, deltaking og kultur og ønskjer å vise at områda vert påverka av kvarandre. Kultur og gode møteplassar er naudsynt for å skape deltaking for alle og eit levande lokaldemokrati.



Demokrati og deltaking

Sveio kommune ønskjer at innbyggjarane våre og dei tilsette skal ha høve til innsyn og til å påverke demokratiske og administrative avgjerder i kommunen. Politikarar, leiarar og dei administrative driftseiningane har ansvar for å utvikle demokratiet og å skape "deltaking" i organisasjonen. Først eit prinsipp som skal vere styrande for alle i kommunen:

- Sveio kommune skal fremje universell utforming. Prinsippet

skal styre utforming og forbetring av kommunale bygg og kommunal tenesteproduksjon

Dei *politiske* prosessane skal kjenneteiknast ved at:

- alle vert høyrd og ved å legge til rette for informasjon og innspele fra innbyggjarane
- barn sine interesser vert ivaretatt
- menneske med nedsett funksjonsevne, ungdom og eldre vert inkludert – råd for menneske med nedsett funksjonsevne, ungdomsrådet og eldrerådet skal mellom anna nyttast for å verkeleggjere dette målet
- likestilling fremjast økonomisk, politisk og sosialt
- innflyttarar vert inkludert og får relevant informasjon om kommunen

Alle tilsette i Sveio kommune skal:

- legge til rette for brukarmedverknad og aktivt samarbeide med pårørande



SVEIO – MIDT I LEIØ

Kommuneplan for Sveio 2011-2023

"Vilje til vekst – ein god stad å bu"

Kultur

Menneskelege omsyn (kultur) skal takast vare på i utviklinga av kommunen. Nokre omsyn kan takast gjennom ei god overordna arealplanlegging (sjå satsingsområde 3 ”Areal – utvikling, miljø, landbruk og samfunnstryggleik”). Ei positiv kulturell utvikling kan elles skapast av løvingar og samhandling med eksterne aktørar.



Ryvarden kulturfyr

Sveio kommune skal:

- samordne og synleggjere kulturtilbodet i kommunen. Styrking av kulturtilbodet skal skje i samsvar med kulturplanen

- satse vidare på dei kulturelle fyrtårna Ryvarden, Fartein Valen og Sveio golfpark – som tilbod til eigne innbyggjarar og som attraksjon for andre
- styrke og vidareutvikle kulturskulen og bibliotek
- arbeide systematisk for å fremje trivsel og helse ved å leggje til rette for eit godt aktivitetstilbod og moglegheiter for friluftsliv i nærmiljøet. Det skal skje i samsvar med Delplan for idrett og fysisk aktivitet i Sveio kommune 2010-2014



Fartein Valen-heimen



SVEIO – MIDT I LEIØ

Kommuneplan for Sveio 2011-2023

"Vilje til vekst – ein god stad å bu"

Vedlegg 1

Lover, forskrifter, nasjonale og regionale styringsdokument, kommunale planar, medverknadsarbeid i kommuneplanarbeidet og annan relevant informasjon:

Lovverk:

- a) Lov om planlegging og byggesakshandsaming (Plan- og bygningslova) (plandelen)
- b) Lov om rett til innsyn i dokument i offentleg verksemd (Offentleglova)
- c) Lov om kommunar og fylkeskommunar (Kommunelova)

Stortingsmeldingar:

- a) St.meld.nr.47 (2008-2009) Samhandlingsreformen. Rett behandling – på rett sted – til rett tid.
- b) St meld.nr.25 (2008-2009) Lokal vekstkraft og fremtidstru. Om distrikts- og regionalpolitikken
- c) St meld.nr.16 (2008-2009) Nasjonal transportplan
- d) St meld.nr.33 (2007-2008) Eit sterkt lokaldemokrati
- e) St meld.nr.34 (2006-2007) Norsk klimapolitikk
- f) St.meld.nr.26 (2006-2007) Regjeringas miljøpolitikk og rikets miljøtilstand
- g) St meld.nr.21 (2005-2006) Med hjarte for heile landet. Om distrikts- og regionalpolitikken
- h) St meld.nr.16 (2004-2005) Leve med kulturminne
- i) St.meld.nr.29 (2001-2002) Bedre miljø i byer og tettsteder

- j) St meld.nr.39 (2001-2002) Oppvekst og levekår for barn og unge i Norge
- k) St meld.nr.42 (2000-2001) Biologisk mangfold
- l) St.meld.nr.43 (1998-1999) Vern og bruk av kystsona
- m) St meld.nr.29 (1996-1997)
Regional planlegging og arealpolitikk

Statistikk:

- Livskraftige kommuner (KS) www.livskraftigekommuner.no
- Statistisk sentralbyrå (SSB): www.ssb.no
- Hordaland fylkeskommune: www.hordaland.no/statistikk
- Direktoratet for samfunnssikkerleik og beredskap (DSB): www.dsbo.no

Regionale føringer:

- a) Fylkesplan for Hordaland 2005-2008. Hordaland fylkeskommune.
- b) Deltaking for alle – universell utforming. Fylkesdelplan 2006-2009. Hordaland fylkeskommune.
- c)
- d) Råd om planlegging og forvaltning av strandsona i Hordaland. Fylkesmannen i Hordaland og Hordaland fylkeskommune
- e) Fylkesdelplan for Sunnhordland. Hordaland fylkeskommune.
- f) Plan for regional idretts, friluftsliv og kulturanlegg i Sunnhordland 2005-2009
- g) Fylkesdelplan for areal og transport på Haugalandet. Hordaland fylkeskommune og Rogaland fylkeskommune.
- h) Område for friluftsliv. Kartlegging og verdsetting av regionalt viktige



Kommuneplan for Sveio 2011-2023

"Vilje til vekst – ein god stad å bu"

område i Hordaland.
Prosjektrapport 2008.
Fylkesmannen i Hordaland og
Hordaland fylkeskommune

Kommunedelplanar og temaplanar:

- a) Trafikksikringsplan for Sveio 2008-2011
- b) Kystsoneplan for Sveio kommune – Temaplan 2007-2019
- c) Kommunedelplan med konsekvensutgreiing for Sveio sentrum
- d) Kommunedelplan for Førde sentrum
- e) Strategisk Næringsplan. Sveio kommune 2008-2009
- f) Plan for kvalitetsutvikling i barnehagar og skolar 2009-2010
- g) (Energi- og klimaplan for Sveio kommune)
- h) (Kulturminneplan for Sveio kommune)
- i) Delplan for idrett og fysisk aktivitet i Sveio kommune 2010-2014
- j) Reguleringsplanar (www.sveio.kommune.no eller på Kommunehuset)

Kommunale dokument:

- Rullering av kommuneplanen for Sveio. Forslag til planprogram. Juni 2008.
- Delegeringsreglement for Sveio kommune

Grunnlagsarbeid i Sveio kommune:

- a) Folkemøte (9 møte oktober – november 2008)
- b) Allmøte om næringsliv i Sveio kommune (20.01.2009)

- c) Undersøking av innbyggjarane si oppleveling av å bu i Sveio kommune (okt/nov 2008) U2008 (www.sveio.kommune.no)
- d) Møte med flyktningar i Sveio kommune på Introhuset (21.01.2009)
- e) Møte med Sveio ungdomsråd (03.03.2009)
- f) Møte med elevar på Førde ungdomsskule (12.01.2009) og Sveio ungdomsskule (12.02.2009)
- g) Møte planforum Hordaland fylkeskommune (29.01.2008 og 26.05.2009)
- h) Møte politisk referansegruppe (29.01.2009 og 09.06.2009)
- i) Politisk strategisamling på Sambrukshuset (05.02.2009)
- j) Ulike møte med representantar frå ulike delar av Sveio kommune sin organisasjon



Vedlegg 2

Kva overordna statlege føringer styrer vårt folkehelsearbeid ?

Lov om planlegging og byggesaksbehandling (plan- og bygningslova) bidreg til forankring av folkehelsearbeid og universell utforming i plan- og styringsdokument. Lova krev at all planlegging skal fremje befolkninga si helse og motverke sosiale helseforskjellar. I lova vert samanhengen mellom det fysiske miljøet og folks helse framheva. I § 3-1.f. om oppgåver og myndighet i planlegginga, står det at vi skal: *"fremme befolkningens helse og motvirke sosial helseforskjeller samt bidra til å forebygge kriminalitet"*. God samfunnsplanlegging er avgjerande for å styrke folkehelsa og verne folk mot sjukdom.

Lov om fylkeskommunars oppgåver i folkehelsearbeidet gir fylkeskommunen ansvar for det sektorovergripande folkehelsearbeidet. Det inneber også ansvar for å støtta opp under arbeidet i kommunane. I tillegg får fylkeskommunen ansvar for å ha oversikt over helsetilstanden i fylket. Lova presiserer at folkehelsearbeidet skal inngå som del av regional utvikling og planlegging i tillegg til å prege eiga tenesteyting og forvalting.

Lov om kommunehelsetenester regulerer kommunane sin innsats i det førebyggjande og helsefremjande arbeidet. I formålsparagrafen står det at helsetenesta skal fremje folkehelse, trivsel, gode sosiale og miljømessige forhold i tillegg til å førebyggje og behandle sjukdom og lyte. I framlegget til ny folkehelselov blir ansvaret for folkehelsearbeidet flytta fra

helsetenestene til kommunen sjølv. Lova vert innlemma i ny folkehelselov og ny lov om helse- og sosiale tenester frå 2012.

Andre viktige føringer

- St.meld. nr 47 (2008–2009) Samhandlingsreformen. Rett behandling – på rett sted – til rett tid.
- St.meld. nr. 20 (2006–2007) Nasjonal strategi for å utjewe sosiale helseforskjeller.
- St.meld. nr. 16 (2002-2003) Resept for et sunnere Norge.

3.2. Regionale føringer

- Regional planstrategi Hordaland skaper verdiar 2010 – 2012.
- Fylkesdelplan. Fysisk aktivitet, idrett og friluftsliv 2008 – 2012.
- Fylkesdelplan. Deltaking for alle – Universell utforming 2006 – 2009.
- Handlingsplan for trafikksikring i Hordaland 2006 – 2010 (gjeldande sektorplan).
- Strategiplan for vidaregående opplæring 2006 – 2010 (rullerast).
- Fylkesplan for Hordaland 2005 – 2008 (forlenga inntil vidare).




Kommuneplan for Sveio 2011-2023

"Vilje til vekst – ein god stad å bu"

Vedlegg 3

Kommunebarometer for Sveio kommune




Kjelde: <http://nesstar.shdir.no/kommunebarometer/>



SVEIO – MIDT I LEIØ

Vedlegg 4

Administrativ organisering Sveio kommune



Tonivåmodell:

Administrasjonen er i hovedsak organisert over to ansvarsnivå:

1. Strategisk administrativ leiargruppe:

- Overordna ansvar for organisasjonsutvikling, iverksettjing av politiske vedtak og for saksutgreiing
- Ansvar for støtteeiningane

2. Resultateeiningar:

- Budsjett-, resultat-, personal-, økonomisk- og fagleg ansvar
- Rapporterer til strategisk administrativ leiargruppe
- Resultateeiningar:
 - Plan- og næring
 - Drift- og anlegg
 - Kultur
 - Førde barnehage
 - Sveio barnehage
 - Sveio skule
 - Førde skule

- Auklandshamn skule
- Valestrand oppvekstsenter
- Vikse skule
- Lid skule
- Helse
- Rehabilitering
- Sveio omsorgssenter
- Butiltak for funksjonshemma
- Heimetenesta
- Barnevern
- NAV (Flyktningkontor, sosialkontor)

Støtteeiningane:

- Gjev service til ulike eksterne grupper og fagleg støtte til strategisk administrativ leiing og til resultateeiningane
- Støtteeiningar:
 - IKT
 - Økonomi
 - Løn- og personal
 - Skule- og barnehagekontor
 - Offentleg servicekon



Kommuneplan for Sveio 2011-2023

"Vilje til vekst – ein god stad å bu"



SVEIO – MIDT I LEIØ